

廣雅疏證

冊三

廣雅疏證卷第五上

高郵王念孫學

釋言

央極中也

洪範云建用皇極

駭驚起也

息歸返也

說見卷二息返歸也下

奉貢獻也

鼎幔闌也

說見卷二幔幔覆也下鼎與幔通幔各本譌作慢今訂正闌通作奄說文奄覆也

令召覲也

說見卷二招命覲召呼也下

乾元天也

儀招來也

方言儀來也陳
穎之闌曰儀

羨薄致也

羨與誘同薄說見卷一
薄至也下至與致通

循率述也

搯拊擣也

說見卷四擣各本
譌作擣今訂正

班秩序也

嬖犯侵也

玉篇嬖小嬖侵也趙策云稍稍蠶食之稍與嬖通楚辭九歌不寢
近今愈疏王逸注云寢稍也寢一作侵犯各本譌作祀今訂正

訥誠警也

皆謂調戲也說見
卷四誠調也下

僮莫稚也

爾雅云稚之
莫子爲鷄

駮敝跛也

駮說文作𨾏云家足也漢書趙充國傳手足𨾏家文穎注云駮拆裂也莊子逍遙遊篇宋人有善爲不龜手之藥者釋文云龜徐舉倫反向云拘圻也龜與駮聲近義同敝曹憲音咎敝之言錯也爾雅釋木楷敝郭璞注云謂木皮甲錯西山經臧羊其脂可以已瘡郭注云治體敝脂脂與敝通集韻敝又音錯木工記弓人老牛之角絛而咎鄭衆注云咎音爲交錯之錯謂牛角掩理錯也北山經帶山有獸焉其狀如馬一角有錯注云言角有甲錯義並與敝同跛之言龜也玉篇廣韻並音龜跛敝一聲之轉釋名云齊人謂草屨曰搏脂搏脂猶把鮮龜貌也荊州人曰龜脂與敝龜與跛並同義

撼播搖也

撼見卷一搖撼動也下撼與撼同論語微子篇播鼗武孔傳云播搖也

仍重再也

鎮綏撫也

羸膠瘠也

膝與
瘳同

課揣試也

說文課試也管子七法篇云成器不課不用
不試不藏方言揣試也郭璞注云揣度試之

捷敏亟也

捷與
捷同

曼莫無也

小爾雅曼無也法言寡見篇云曼是爲也五百篇云行有之也病
曼之也皆謂無爲曼文選四子講德論空柯無刃公輸不能以斲
但懸曼簷蒲苴不能以射曼亦無也李善注訓爲長失之曼莫無
一聲之轉猶覆謂之幔亦謂之幕亦謂之幪也漢書西域傳屬賓
國以金銀爲錢文爲騎馬幕爲人面張晏曰錢文面作騎馬形漫
面作人面目也如淳曰幕音漫師古曰幕卽漫耳無勞借音今所
呼幕皮者亦謂其平而無文也案幕字如淳音漫師古音莫而恒
訓爲無文猶曼與莫之同訓爲無也任氏幼植釋繒云說文繒繒
無文也管子霸形篇君何不發虎豹之皮文錦以使諸侯令諸侯
以繒帛鹿皮韞左氏成五年傳乘繒注車無文是凡物之無文者
謂之繒義
與曼同也

剝剝斫也

荆見卷一荆斷也下剉與斷同

鶩鶩飪也

鶩經傳通作亨說見卷三鶩雉熟也下鶩說文作鶩云炙也漢書郊祀志皆嘗鶩亨上帝鬼神顏師古注云鶩亨一也鶩亨炙而祀也引韓詩采蘋曰于以鶩之唯錡及釜毛詩鶩作湘云湘亨也鶩鶩湘聲近義同鶩音式羊反鶩音普衡反各本鶩譌作鶩今訂正

土吐瀉也

太平御覽引春秋元命包云土之爲言吐也說文云土地之吐生物者也又云吐瀉也釋名云吐瀉也故揚豫以東謂瀉爲吐也瀉與寫通

糗麵食也

說見卷八麴麥謂之麵及糗糗糗也下麵各本譌作麵今訂正

死專簿也

簿通作博各本皆作死專轉也下條團碁弈也作團碁簿弈也案簿與弈異事不得訓簿爲弈方言簿吳楚之閒或謂之死專是死專爲簿之異名方言注云死音於辯反專音轉是廣雅專下轉字乃曹憲之音此因轉字誤入正文校書者又誤謂死專之訓爲轉遂移簿字入下條耳今訂正

圍棊弈也

泚滅測也

皮膚剝也

說見卷三剝
膚皮離也下

山龍彰也

皋陶謨日月星辰山龍華蟲作會宗彝藻火粉米黼黻絺繡傳云黼若斧形黻爲兩己相背爾雅黼黻彰也郭璞注與書傳同案爾雅以彰訓黼黻乃通釋經傳中黼黻之事非專釋十二章之黼黻也爾雅又云袞黻也直訓袞爲黻明非十二章之黻矣考工記說畫績之事云青與赤謂之文赤與白謂之章白與黑謂之黼黑與青謂之黻五采備謂之繡祭義云遂朱綠之章白與黑謂之黼黑與青謂之黻與文章同義故云黼黻彰也若山龍非五色相次之名不得直訓爲彰此云山龍彰也蓋效爾雅而失其義矣

調讞也

說見卷四
讞調也下

戊秀茂也

漢書律曆志云豐楙於戊鄭注月令云戊之言茂也四時之閒萬物皆枝葉茂盛茂與楙通

鄉救也

未詳

悖竊淺也

說文竊淺也爾雅釋鳥夏屬竊玄秋屬竊藍冬屬竊黃棘屬竊丹昭十七年左傳正義云竊玄淺黑也竊藍淺青也竊黃淺黃也竊丹淺赤也又爾雅釋獸虎竊毛謂之號貓雞如小

熊竊毛而黃大雅韓奕傳云貓似虎淺毛者也

鬩戰鬩也

說文鬩鬩也孟子梁惠王篇鄒與魯鬩趙岐注云鬩鬩聲也音義引劉熙注云鬩鬩也構兵以鬩也字亦作鬩呂氏春秋慎行篇崔杼之子相與私鬩高誘注云鬩鬩也鬩讀近鴻緩氣言之大雅召旻篇蠹賊內訌鄭箋云訌爭訟相陷人之言也義與鬩相近

隅陬角也

廉栝棱也

鄭注鄉飲酒禮云側邊曰廉說文栝棱也衆經音義卷十八引通俗文云木四方爲棱八棱爲栝字通作觚

備咳咸也

此方言文也樂記大章章之也咸池備矣史記樂書備矣作備也餘見卷二咳備也下

奇尤異也

敷放妄也

莊子庚桑楚篇蹶市人之足則辭以放驚郭象注云釋己脫誤以謝之釋文引廣雅驚妄也驚與敖通亦作傲荀子勸學篇未可與言而言謂之傲可與言而不言謂之隱不觀氣色而言謂之瞽傲謂妄言也論語云言未及之而言謂之躁躁亦妄也

貶費損也

焚燎燒也

燂爨炊也

說文燂炊也昭二十年左傳燂之以薪杜預注與說文同釋文云燂然也燂然聲相近然火謂之燂故炊亦謂之燂周語火無災燂章昭注云燂焱起兒

譚諛詔也

譚與佞通諛各本譌作謏今訂正

拂扞搏也

說文拂過擊也卷三云扞搏擊也

懲愆忒也

忒與艾通亦通作刈竟典五流有宅五宅三居王制正義引鄭注云宅讀曰咤懲刈之器謂五刑之流皆有器懲刈史記五帝紀作咤竝聲近而義同

枚箇凡也

方言枚凡也昭十二年左傳南蔽枚筮之杜預注云不指其事汎卜吉凶正義云或以爲汎卜吉凶謂枚雷總占禮云無雷同是總衆之辭也今俗語云枚雷卽其義哀十六年傳王與葉公枚卜子良以爲令尹注云枚卜不斥言所卜以令龜是枚爲凡也方言箇枚也郭璞注云謂枚數也字或作个特牲饋食禮俎釋三个鄭注云个猶枚也今俗言物數有若干个者此讀然是箇與枚同義

毅距困也

皆未詳

遷徙移也

忒愼愼也

說文忒愼也引吳語于其心忒然今本作戚然韋昭注云戚猶惕也戚字蓋傳寫之誤廣韻云忒意愼忒也管子弟子職篇云顏色整齊中心必式式與忒聲義相近卷四云愼恐也愼亦恐也玉篇愼心動也方言蛩快戰慄也荆吳曰蛩快蛩快又恐也竝與愼聲

近義同

廩治也

廩曹憲讀爲稟廩稟二字諸書皆無訓爲治者治蓋給字之譌說文稟賜穀也漢書文帝紀史稟當受鬻者顏師古注云稟給也蘇武傳廩食不至注云無人給飢之

礪石碓也

廣韻礪落也玉篇石落也礪石碓一聲之轉卷四云石搥擣也礪伐也石石搥礪擣礪聲義並相近廣韻太平御覽引廣雅礪作碓

移脫遺也

移爲遺與之遺脫爲遺失之遺漢書武帝紀受爵賞而欲移賣者無所流貶應劭注云貶音移言無所移與也移貶聲義並同

專齊也

說見卷四
專齊也下

潞漚淖也

說文潞多汁也又云潞潞泥也淮南子原道訓甚淖而潞高誘注云潞亦淖也鍾離多潘者謂之潞兵略訓云道之浸治潞淖纖微無所不在衆經音義卷十一引通俗文云和漚曰淖鄭注士虞禮記云淖和也

眞是此也

諸書無訓眞爲此者各本眞字皆書作真真是此也當是直此是也之譌直爲是正之是此爲如是之是說文是直也是其證矣或曰當作直是正也說文直正見也正也是也

將隳帥也

隳古通作渠史記田叔傳取其渠率二十人率與帥通

死澌也

太平御覽引春秋說題辭云死之爲言澌精爽窮也說文死澌也人所離也鄭注檀弓云消盡爲澌

龍光寵也

鄭注師卦云龍光耀也小雅蓼蕭篇爲龍爲光毛傳云龍寵也周頌酌篇我龍受之鄭箋云龍寵也龍寵聲相近故古人以二字通用昭十二年左傳引蓼蕭詩龍光作寵光商頌長發篇何天之龍箋云龍當作寵師象傳承天寵也王肅本作龍

薦譌譌也

皆謂變化也說見卷三譌薦七也下七與化通

涕泣淚也

跽匍匐也

說見卷三匍跽伏也下伏與匍通各本跽下俱有莊字段氏若膺云莊與匍匐之義不相近廣雅釋詁跽伏也曹憲音壯拳反文選魯靈光殿賦校兔跽伏於柎側李善音壯拳切玉篇音莊拳切廣韻音莊緣切廣雅跽下莊字當是反語之上一字誤爲正文也案廣雅釋言篇內無連舉三字解之者莊非正文甚明今從段說刪

眊睛謨也

眊各本譌作眊今訂正廣韻引字林云眊睛不悅目兒說文謨恚也

猜阻疑也

閔二年左傳是服也狂夫阻之杜預注云阻疑也

霤霤霖也

說文霤久雨也又云涵水澤多也涵與霤義相近說文滂漬也漬久雨滂漬也淮南子主術訓時有滂旱災害之患高誘注云滂久雨水潦也滂與霤同爾雅云久雨謂之淫淫謂之霖霖淫滂古聲亦相近也方言潛淫沈也沈謂之涵亦謂之潛猶久雨謂之霤亦謂之霤也

賀皆嘉也

說文賀曰禮物相慶嘉也嘉與賀古同聲而通用觀禮子一人嘉之鄭注云今文嘉作賀晉語賀大國之襲於己說苑辨物篇賀作嘉皆是也嘉皆一聲之轉字通作偕小雅魚麗曰維其嘉矣又曰維其偕矣賓之初筵曰飲酒孔嘉又曰飲酒孔偕偕亦嘉也解者多失之

易與如也

皆一聲之轉也宋定之云繫辭傳易者象也象也者像也像即如似之意引之云論語賢賢易色易者如也猶言好德如好色也二說並通易訓爲如又有平均之義下文云如均也爾雅平均易也是易如與平均同義方言易始也郭璞注云易代更始也義近於鑿廣雅之訓多本方言此條訓易爲如而釋詁始也一條內不載易字疑張氏所見本始作如也襄二十六年左傳引夏書曰與其殺不辜寧失不經凡經傳言與其者皆謂如也閔元年左傳猶有令名與其及也史記集解引王肅注云雖去猶可有令名何與其坐而及禍也何與猶何如也秦策云秦昭王謂左右曰今日韓魏孰與始強對曰弗如也王曰今之如耳魏齊孰如孟嘗芒弟之賢對曰弗如也孰與猶孰如也班固東都賦云僻界西戎險阻四塞脩其防禦孰與處乎土中平夷洞達萬方輻湊秦嶺九嶷涇渭之川曷若四瀆五嶽帶河沂洛圖書之淵曷若猶孰與也漢書鼂錯傳今匈奴上下山阪出入溪澗中國之馬弗與也弗與猶弗如也與如若亦一聲之轉與訓爲如又有相當之義襄二十五年左傳申鮮虞與閭邱嬰乘而出行及弇中將舍嬰曰崔慶其追我鮮虞曰一與一誰能懼我杜預注云弇中狹道也道狹雖衆無所用案與猶當也言狹道之中一以當一雖衆無所用也下文云崔慶

之衆不可當也當亦與也二十四年傳云大國之人不可與也與亦當也宋衛策云夫宋之不足如梁也寡人知之矣高誘注云如當也是與如皆訓爲當也

詭覆反也

班固幽通賦變化故而相詭今曹大家注云詭反也大戴禮保傳篇左右之習反其師賈子傳職篇反作詭漢書武五子傳云詭爾爲福史記李斯傳云今高有邪佚之志危反之行詭危竝與詭通說文詭變也變亦反也

審覆索也

爾雅覆察審也郭璞注云覆校察視皆所爲審諦覆校卽考索也考工記弓人覆之而角至鄭注云覆猶察也定四年左傳云藏在周府可覆視也月令云命舟牧覆舟孫子行軍篇云軍行有險阻潢井葭葦山林翳薈者必謹覆索之索與索通審察索三字皆從山山訓爲覆覆訓爲審義相因也

輸擯墮也

皆謂墮壞也小雅正月篇載輸爾爾載鄭箋云輸墮也公羊春秋隱六年鄭人來輸平傳云輸平猶墮成也何言乎墮成敗其成也穀梁傳云輸者墮也來輸平者不果成也是輸爲墮壞也其輸寫物亦謂之墮昭四年左傳寡君將墮幣焉服虔注云墮輸也方言擯墮壞也陸與墮同太玄度次三小度差差大擯之階側曰小度之差大度傾也是擯爲墮壞也方言云怠壞也故壞謂之墮亦謂之

懶亦謂之輪怠謂之惰亦謂之懶亦謂之
窳惰與墮懶與懶窳與輪古聲並相近也

償報復也

詩意志也

各本皆作詩志意也案詩志聲相近故諸書皆訓詩爲志無訓爲
意者詩序云詩者志之所之也在心爲志發言爲詩賈子道德說
篇云詩者此之志者也詩譜正義引春秋說題辭云在事爲詩未
發爲謀恬澹爲心思慮爲志詩之爲言志也書大傳注云詩言之
志也說文及楚辭九章注
並云詩志也今據以訂正

眷隼顧也

說文倏左右兩視也玉篇隼具眉切顧也古倏字謂左
右視也隼從犬隹聲與隼字異隼從犬圭聲音胡結反

癘殘蚌也

玉篇癘大痒也殘小痒也痒
與蚌通亦通作養俗作癢

趨鴛虛也

皆驚散之貌也玉篇趨散走也高誘注淮南子主術訓云鸞讀驚
攢之攢攢與趨通方言宋衛南楚凡相驚曰鴛郭璞注云鴛驚貌
也說文鴛犬鴛鴛不附人也讀若南楚相驚曰鴛又云鴛犬鴛鴛
不可附也揚雄劇秦美新云來儀之鳥肉角之獸狙獼而不臻狙

獷亦驚散之貌也
狙與虛通

兼絰并也

絰之言比也玉篇絰縷并也鄭風千旌篇素絲糾之毛傳云總糾於此成文於彼義與絰相近

褻黷狎也

覺穌害也

穌通作蘇害通作寤

諸旃之也

皆一聲之轉也諸者之於之合聲故諸訓爲之又訓爲旃旃者之焉之合聲故旃訓爲之又訓爲焉唐風采芣箋云旃之言焉也

竝偕俱也

餗餗也

餗者溫存之意唐段公路北戶錄引字林云餗餗女也音乃管反又引證俗音云今謂女嫁後三日餉食爲餗女各本皆脫餗字集韻類篇引廣雅餗餗餗也今據以補正餗之言運也說文野饋曰饋成五年左傳晉荀首如齊逆女故宣伯饋諸穀杜預注云運糧

饋之